

besehet koufft hat, der sall den somen, der doruff gesehet ist, in das geschoß rechnen. Item mann sall rechnen allerley getreide ane das korn, das eyn mann bedarff^{a)} in seynem hauße zwuschen hy und dem nawenn; das darff man nicht vorschößenn; was oberig ist, sall man vorschößen. Item den scheffil korn, gersten, der gesehet ist ader ober die notdurfft noch dem nawenn bleibet, XII gr. zu verschößen, den schiffill hafer umb VI gr., der 5 itzunder gesehet ist. Item eyn kw vor eyn marg, eyne kalbe vor 3 marg, eyn sweyn, das vor den hirten geht, vor VI grosschin, eyn mastsweyn vor XII gr. Item allerley vleisch sall man rechnen ane essevleisch, das eyn mann in seynem hauße bedarff. Item wer zinse uff widerkoufft uff seyme gute vorschreiben hat, die darff man nicht sunderlichen vorschossen, sunder das wirt vorschost mit deme gute, als das erbe kost. Item 10 allerley wergkgezöwgk groß und cleyne sall man nicht vorschossen; wayne, pfluge, eyde und alles deßgleichen sall man nicht vorschossen, auch nit pferde^{b)}. Item wer ledige hoffestete koufft und gebawet hat, der soll das erbe vorschossen nicht noch dem kouffe, sunder noch eynem redelichen uffslage des erbarn rates, was das erbe müchte geldenn. Item schuldt, do eyn man hoffnung zu hette unnd sich der nicht vorzeihenn welde, die 15 sall er vorschossen. Item futer, das eyn man uff seyn pferdt und rindtvihe^{c)} wenden will, soll man nicht vorschossen. Item frawengesmeide, gebende^{d)}, weipliche cleider sall man nicht vorschossen. Item 1 tunne langqvall vor IX grossen, eyn schoff vor VI gr., eyn stogk benen XII gr. Item ab eyn man guttir hoer koufft, wen sich seyn geschoß vorhyn stircket und nicht zo vill hette, als die guttir gekoufft sindt, der sall dennoch die 20 guttir vorschossen, nochdem er die gekaufft hat. Item silber, das eyn man ader weip uff vorsatzt kouffte, dormit er uff hinderlist seyne hernn mit dem geschoße betrigen welde, wollin die hern eyn uffsehn habin, und zo sie dohinder quemenn, sie merglich ungestrafft nicht lassen. Item dy gutter in der teylung noch versterben, so dy ungeschätzt unnd nicht hoer gewirdiget, sollen wy vor aldirs verrecht werden; so sy aber gschatzt unnd 25 irhoet sein, so sal man dy der schatzung nach verschossen^{e)}.

169.

Vor Stuhlweißenburg 1491 Juli 17.

Hdschr.: Or. Perg. Stadtarchiv Kamenz No. 154 mit S. an Pergamentstreif.

König Wladislaus von Ungarn und Böhmen erneut und bestätigt der Stadt Kamenz 30
 alle unnd igliche ire gnade, rechte, ober unnd nyder gerichte, freiheit, brieffe, privilegia
 unnd hanndtfeften — unnd alle ire wilkore, gesezze unnd statuten, mit namen die wil-
 kore belangende die gerade unnd hergewette, nymandes uswennig der stat gesessen zu
 folgen lassen, auch lobliche unnd gutte ire gewonheit, — unnd den salczmargkt, frey
 oder sust zu halden, — auch alle lehen unnd lehenbrieffe, die die burger in der gemeyne 35

168. a) bedraff. b) Die letzten drei Worte von anderer Hand. c) Die letzten zwei Worte von anderer Hand.
 d) d. h. Kopfputz der Weiber, besonders Stirn- und Wangenbinden. e) Das ganze letzte Item von
 anderer Hand.